

4. kóžde we hłownej zhromadźizne z wjetšinu hłosow wudżelene wotpušćenje.

§ 16. Wo hłownej zhromadźizne.

K wobzamknjenju zhromadženych sobustawow pozawostaja so tute naležnosće:

1. wuzwolenje předsydstwa a wubjerka;
2. přijeće zličbowanja, wot wubjerka pruhowaneho;
3. pomjenowanje čestnych sobustawow;
4. wuzamknjenje sobustawow;
5. přiwzaće požcowankow, hdyžkuli sumu 1000 markow přesahuja;
6. přeměnjenje wustawkow;
7. a) kupje, b) předaća abo c) zastajenja ležownosći;
8. rozwjazanje towařnistwa;
9. wobzamknjenje wo namjetach, we wubjerku wuradženych kaž tež wo tych, kotrež buchu we hłownej zhromadźizne stajene, su-li we hłownej zhromadźizne přitomne sobustawy předsydstwa a wubjerka te same za připušćomne wuprajili.

Wobzamknjenje wo runje mjenowanych naležnosćach smě so jenož we hłownej zhromadźizne stać.

Na tajku dyrbja wšitke sobustawy z wozjewjenjom džeńskeho porjada zjawnje přeprošene być, a ma k temu powoleny čas dwě soboće před hłownej zhromadźiznu woprijeć.

K płaćiwości wobzamknjenjow dosaha při naležnosćach, pod 1 hač z 5 pomjenowanych, wjetšina hłosow přitomnych sobustawow.

Při runosći hłosow płaći namjet za wotpokazany.

Přeměnjenje wustawkow móže so jenož stać, hdyž dwě třećinje rjadnych sobustawow tajke wobzamknjetaj.

K płaćiwu wobzamknjenju wo naležnosćach pod 7b a 8 spomnjenych žada so, zo pjeć šesćinow wobzamknjenju přihłosuje.

§ 17. Wosebite postajenje za připad rozwjazania towařnistwa.

W připadže rozwjazania towařnistwa ma zhromadźizna, ktraž rozwjazanje wobzamknje, wo nałożenje cyłeho towařstwowehe zamoženja, tola jeničcy za wotpohlady serbskeje literatury so starać. Tuto postajenje njemóže so ze žanym přeměnjenjom wustawkow wotstronić.

§ 18. Powołanie hłowneje zhromadźizny.

Powołanie hłowneje zhromadźizny stawa so wot předsydy předsydstwa: 1. po samsnym wotmyslenju; 2. po namjeće wubjerka; 3. hdyž z najmjeńša 20 sobustawow towařnistwa powołanie hłowneje zhromadźizny namjetuje.